

四庫全書

集部

欽定四庫全書

集部

宋文鑑卷二十四

詳校官監察御史臣劉湄

助教臣常循覆勘

總校官降調編修臣倉聖脉

校對官中書高 中

謄錄監生臣王利賓

欽定四庫全書

宋文鑑卷二十四

宋 呂祖謙 編

七言律詩

和御製夏日垂釣作

徐鉉

物茂時平日正長翠華停馭睠方塘
文竿乍拂圓荷動
潁尾時翻素犢香
睿賞只應從暇豫
聖恩寧肯間沉翔
吞舟自是貪芳餌
猶笑成湯一面張

內宴應制

曹翰

三十年前學六韜英名嘗得預時髦
曾因國難披金甲不爲家貧賣寶刀
臂健尚嫌弓力軟眼明猶識陣雲高
庭前昨夜秋風起羞見團花舊戰袍

豫章胡氏華林書堂

張齊賢

一百年來煙燹同衣冠江左慕家風
兒孫歌舞詩書內鄉黨優游禮讓中
孝悌筠編爭紀錄門閭天語賜褒崇
莫將六闕方朱氏

朱敬則家門孝友三
葉旌表門標六闕

葉葉蒸蒸奉始

終

春日書懷

寇準

曾讀前書笑古今，恥隨流俗信浮沉。
終期直道扶元化，敢爲虛名役片心。
默坐野禽啼晝景，閉門官柳長春陰。
世間事了先須退，不待霜毛漸滿簪。

春夕偶作

趙湘

一夕衡門獨自開，雨陰深巷小塵埃。
醉醒風傍池邊起，坐久月從花上來。
何處夜歌初欲斷，四鄰春夢不知回。

因思此興無人共時復孤吟步綠苔

上李昉相公

王操

弱冠登龍入粉闈少年清貴古來稀
袖中詔草朝天去
頭上宮花侍宴歸
卓筆玉堂寒漏迴
捲簾池館水禽飛
三台位近猶嫌遜
閒聽秋霖憶翠微

其二

朝苑優游數十春
文章敵手更無人
對敎旒冕如僚友
下直門闌似隱淪
倚檻白雲供醉望
搢筇黃葉落吟身

年來得意知難絕大半門生作侍臣

溫泉

鄭文寶

潺湲如燎嶺雲陰玉石魚龍換古今只見開元無事久
不知貞觀用功深籠無解語衣無雪堆有黃沙粟有金
惆悵羣邪負恩澤始知夷甫少經心

讀江總傳

鄭文寶

行人慵過景陽宮宮畔離離禾黍風庭玉有花空怨白
井蓮無步莫愁紅吟詩功業才雖大亡國君臣道最同

爭忍暮年歸故里
綸竿迴避釣魚翁

梅花

林逋

吟懷長恨負芳時
爲見梅花輒入詩
雪後園林纔半樹
水邊籬落忽橫枝
人憐紅豔多應俗
天與清香似有私
堪笑邊笳亦風味
解將別調角中吹

小園梅花

林逋

衆芳搖落獨暄妍
占盡東風向小園
疎影橫斜水清淺
暗香浮動月黃昏
霜禽欲下先偷眼
粉蝶如知合斷魂

幸有微吟可相狎不須檀板共金樽

晨興

魏野

夜長乞待得晨興
耽睡僮猶喚不應
燒藥爐中無宿火
讀書窓下有殘燈
臨堦短髮梳和月
傍岸衰容洗帶冰
料得巢禽翻怪訝
尋常日午起慵能

山居

留化已南山多凌零藿香芬芳襲人動或數里

丁謂

峒口清香澈海濱
四時芬馥四時春
山多綠桂憐同氣
谷有幽蘭讓後塵
草解忘憂憂底事
花能含笑笑何人

海南有含笑花爭如彼美欽天壙長薦芳香奉百神

民牛多疫死

水牛多自相廣商人駢至民間貴市之以給用

楊億

南海逸風如失性東吳喘月不逢醫一元祀典古所重
九穀民天命在斯真相柅車寧致問族庖更刃亦焉施
炎神厲鬼爭爲虐渡虎消蝗復是誰

漢武

楊億

蓬萊宮闕浪漫漫弱水回風欲到難光照竹宮勞夜拜

露溥金掌費朝餐
力通青海求龍種
死諱文成食馬肝
待詔先生齒編貝
那教索米向長安

莎衣

楊朴

軟綠揉藍著勝衣
倚船吟釣最相宜
蒹葭影裏和煙臥
菡萏香中帶雨披
狂脫酒家春醉後
亂堆漁舍晚晴時
直饒紫綬金章貴
未肯輕輕博換伊

假中示判官張寺丞王校勘

晏殊

元巳清明假未開
小園幽徑獨徘徊
春寒不定斑斑雨

宿醉難禁灑灑杯無可奈何花落去似曾相識燕歸來
遊梁賦客多風味莫惜青錢萬選才

初秋宿直

晏殊

絳河星斗夜闌干禁署沈沈閉九關上帝冊書羣玉府
仙人宮闕巨鰲山涼蟾影度秋陰薄促漏聲來夜唱閒
擁鼻吟多欲愁絕嚴鐘淒斷樹烏還

安昌侯

晏殊

蓮勺移家近七遷魯儒章句世相傳關中沃壤通涇渭

堂上繁多逐管絃身服儒衣同蔡義日將卮酒對彭宣
高墳大五陽陵外千古朱雲氣凜然

偶成

石延年

力振前文覺道孤恥同流輩論榮枯動非仁義何如靜
得見機關不似無孔孟也宜輕管晏皐夔未必失唐虞
侯王重問吾何有且自低心混世儒

金鄉張氏園亭

石延年

亭館連城敵謝家四時園色闢明霞
曉迎西渭封侯竹

地接東陵隱士瓜樂意相關禽對語生香不斷樹交花
縱遊會約無留事醉待參橫月落斜

首陽

夷齊在孟津諫伐紂而死于首陽其山在蒲
蒲乃舜都也豈非二子之意何古之所不思

哉

石延年

遜國同來訪聖謨適觀爭國誓師徒恥生湯武干戈日
寧死唐虞揖讓區大義克身安是餓清魂有所未應無
始終天地亡前後名骨雖雙此行孤

喜雨

韓琦

何假嗔雷擊怒桴默然嘉澤決民區經時元隔羣心駭
數月焦熬一陣蘇已發禾苗安在握再生莊鮒不虞枯
須臾慰滿三農望却斂神功寂以無

寄子京

宋庠

八年三郡駕朱輪更忝鴻樞對國均老去師丹多忘事
少來之武不如人車中顧馬空能數海上逢鷗想見親
唯有弟兄歸隱志共將耕鑿報堯仁

府齋歲宴節物感人輒成拙詩上寄昭文相公樞

密太尉

宋庠

處世何常盡值才虛名高位自驚猜
千重浪裏隨流出
百尺竿頭試險回
衰鬢不徒欺曉雪
孤心兼欲伴寒灰
嵩陽潁曲風煙接
已仗歸雲作隱媒

重展西湖

宋庠

綠鴨東陂已可憐
更因雲竇注西田
鑿開魚鳥忘情地
展盡江湖極目天
向夕舊灘都浸月
過寒新樹更留煙
使君直欲稱漁叟
願賜閒州不計年

書王元之畫像側

歐陽修

偶然來繼前賢迹信矣皆如昔日言諸縣豐登少公事
一家飽暖荷君恩想公風采常如在顧我文章不足論
名姓已光青史上壁間容貌任塵昏

公貶滁州謝上表云諸縣豐登苦無

公事一家飽暖共荷君恩

上致政太保杜相公

歐陽修

儉節清名世絕倫坐令風俗可還淳貌先年老因憂國
事與心違始乞身四海儀刑瞻舊德一樽談笑作閒人

鈴齋幸得親師席東向時容問治民

內直對月

歐陽修

禁署沉沉玉漏傳月華雲表溢金盤纖埃不隔光初滿
萬物無聲夜向闌蓮燭燒殘愁夢斷薰爐薰歇覺衣單
水精宮鎖黃金闕故比人間分外寒

下直

歐陽修

宮柳街槐綠未齊春陰不解宿雲低輕寒漠漠侵馳褐
小雨斑斑作燕泥報國無功嗟已老歸田有約一何稽

終當自駕柴車去獨結茅廬潁水西

早朝感事

歐陽修

疎星牢落曉光微殘月蒼龍闕角西
玉勒爭門隨仗入
牙牌當殿報班齊羽儀雖接鴛兼鷺
野性終存鹿與麋
笑殺汝陰常處士十年騎馬聽朝鷄

青州書事

歐陽修

年豐千里無夜警吏退一室焚清香
青春固非老者事
白日自爲閒人長厚祿豈惟慙飽食
俸餘仍是買輕裝

君恩天地不違物歸去行歌潁水傍

望太湖

蘇舜欽

杳杳波濤閱古今四無邊際莫知深
潤通曉月爲清露氣入霜天作暝陰
笠澤鱸肥人鱸玉洞庭柑熟客分金
風煙觸目相招引聊爲停橈一楚吟

春睡

蘇舜欽

別院簾昏掩竹扉朝醒未解接春暉
身如蟬蛻一榻上夢似楊花十里飛
嗒爾暫能離世網陶然直欲見天機

此中有德堪爲頌絕勝人間較是非

中秋松江新橋對月和柳令之什 蘇舜欽

月晃長江上下同畫橋橫截冷光中雲頭艷艷開金餅
水面沉沉臥彩虹佛氏解爲銀色界仙家多住玉華宮
地雄景勝言不盡但欲追隨乘曉風

喜永叔安道仲儀除諫官 蔡襄

御筆新除三諫官喧然朝野盡相懽昔時流落丹心在
自古忠賢得路難好竭謀猷居帝右直須風采動朝端

世間萬事皆塵土留取功名久遠看

詠門

龍昌期

樞動本爲榮辱主長因戶外細推尋乾坤出入無窮象
夷狄關防有限心拚到善人非遠大開當古道自高深
九成載舉簫韶奏穆穆無凶合在今

走筆寄夷陵歐陽永叔

謝伯初

舟行無險似瞿塘滿峽猿聲斷旅腸萬里更堪人謫宦
經年應合鬢成霜長官衫色江波綠學士文華蜀錦張

去似長沙非黜辱比於連郡亦遐荒

韓退之以言事初貶連州令

可

能作賦嘲巫渚好爲投文吊耒陽

杜子美耒陽路經峽

下國難

留金馬客新詩傳與竹枝娘才如夢得多爲累情甚安
仁久悼亡絕境化成儒雅俗遠民爭識校讐郎典詞懸
待修青史諫草當來露皂囊不用臨流羨漁者便將纓
足濯滄浪

許昌公字書懷呈歐陽永叔韓子華王介甫

謝伯初

十年趨競浪求榮因得閒曹減宦情
亂種黃花省野景
旋移高竹聽秋聲
驅馳賤事猶干祿
約勒清狂爲近名
早晚持竿釣鱸鰕
數溪煙雨一舟橫

寄杭州孫資政

唐介

何人富貴不圖安
大抵爲臣節欲完
手執樞機謀國易
心存忠義入時難
臨風未覺龍媒老
衝斗誰知劍氣寒
天子聖神思舊德
肯教旌馭久盤桓

讀史

王安石

自古功名亦苦辛行藏終欲付何人當時黜闇猶承誤
末俗紛紜更亂真糟粕所傳非粹美丹青難寫是精神
區區豈盡高賢意獨守千秋紙上塵

示長安君

王安石

少年離別意非輕老去相逢亦愴情草草杯盤供笑語
昏昏燈火話平生自憐湖海三年隔又作塵沙萬里行
欲問後期何日是寄書應見鴈南征

和金陵懷古

王安石

懷鄉訪古事悠悠獨上江城滿目秋一鳥帶煙來別渚
數帆和雨下歸舟蕭蕭暮吹驚紅葉慘慘寒雲壓舊樓
故國淒涼誰與問人心無復更風流

詳定試卷

王安石

童子常誇作賦工暮年羞悔有揚雄當時賜帛倡優等
今日論才將相中細甚客卿因筆墨卑於爾雅注魚蟲
漢家故事真當改新咏知君勝弱翁

思王逢原

王安石

蓬蒿今日想紛披
冢上秋風又一吹
妙質不爲平世得
微言唯有故人知
廬山南墮當書案
湓水東來入酒卮
陳迹可憐隨手盡
欲歡無復似當時

次韻元厚之平戎慶捷

王安石

朝廷今日四夷功
先以招懷後殪戎
邊地馬牛歸隴底
漢人煙火起湟中
投戈更講諸儒藝
免胄爭趨上將風
文武佐時慙吉甫
宣王征伐自膚公

葛溪驛

王安石

缺月昏昏漏未央一燈明滅照秋床
病身最覺風露早歸夢不知山水長
坐感歲時歌慷慨起看天地色淒涼
鳴蟬更亂行人耳正抱疎桐葉半黃

郡舍偶書

楊 楷

偃息鈴齋度歲華著書人盡笑聾牙
斯文自信驚天地吾道誰知繫國家
獨愛杉篁寒不變可憐江海闊無涯
因思朝市爭名地何似優游刺史衙

送唐介之貶所

李師中

直誠自許時不與孤立敢言人所難去路一身輕似葉
高名千古重於山並游英俊顏何厚已死姦雄骨尚寒
天意若爲宗社計肯教夫子不生還

送唐御史

仲訥

力犯雷霆衆共危遠投魍魎獨爲宜忠州學業真無負
高廟神靈固有知自倚聖明容直道未甘憔悴死荒陲
滿朝卿相多公議莫把文章作楚詞

聞富并州入相

王令

元首賡歌樂股肱四方雖遠喜聲盈忠賢不死天心在
輔弼終歸聖慮精中國自今應更重本朝前日可嗟輕
要須待見成堯舜未敢輕浮作頌聲

紙鳶

王令

誰作輕鳶壯遠觀似嫌飛鳥未多端纔乘一線憑風去
便有愚兒仰面看未必雲霄因可到偶然終日遂爲安
扶搖不起滄溟遠笑殺鵬搏似爾難

聞南陽呂諫議誨長逝

鄭獬

子丈三仕去何頻一臥南陽竟沒身
明主自應容直道
皇天何事殺忠臣
柱天力屈空留草
貫日心存不化塵
黃壤不知人世事
爲君慟哭楚江濱

恭和御製上元觀燈

王珪

雲消華月滿仙臺
萬燭當樓寶扇開
雙鳳雲中扶輦下
六鰲海上駕山來
鎬宮春酒霑周燕
汾水秋風陋漢材
一曲昇平人共樂

唐有聖代
昇平樂曲

君王又進紫霞杯

宋文鑑卷二十四

欽定四庫全書

宋文鑑卷二十五

宋 呂祖謙 編

七言律詩

閒居吟

邵 雍

閒居須是洛中居天下閒居皆莫如文物四方賢俊地
山川千古帝王都絕奇花畔持芳醕最軟草間移小車
只有堯夫負親舊交親元不負堯夫

仁者

邵雍

仁者難逢思有常
平居切勿恃何妨
爭先路徑機關惡
近後語言滋味長
爽口物多須作病
快心事過必爲傷
與其病後能求藥
不若病前能自防

清風短吟

邵雍

清風興味未全衰
豈謂天心便棄遺
長具齋莊緣讀易
每慙疎散爲吟詩
人間好景皆輸眼
世上閒愁不到眉
生長太平無事日
又還身老太平時

閒行吟

邵雍

長憶當年掃敝廬未嘗三徑草荒蕪
欲爲天下屠龍手肯讀人間非聖書
否泰悟來知進退乾坤悟了識親疎
自從會得環中意閒氣胸中一點無

洛下園池

邵雍

洛下園池不閉門洞天休用別尋春
縱游只却輸閒客遍入何嘗問主人
更小亭欄花自好儘荒臺榭景纔真
虛名誤了無涯事未必虛名總到身

答人語名教

邵雍

開闢而來世教敷其間雄者號真儒修身有道名先覺
何代無人達奧區煥若丹青經史義明如日月聖人途
鯁生涵泳雖云久天下英才敢厚誣

何事吟

邵雍

何事教人用意深出塵此子索沉吟施爲欲似千鈞弩
磨厲當如百鍊金釣水誤持生殺柄著碁閒動戰爭心
一盃美酒聊康濟林下時時或自斟

觀三皇

邵雍

許大乾坤自我宣乾坤之外更何言初分天道非常道
纔有先天未後天作法極微難看蹟收功最久不知年
若教世上論勲業料得更無人在前

觀五帝

邵雍

進退肯將天下讓着何言語狀筵容衣裳垂處威儀盛
玉帛修時意思恭物物盡能循至理人人自願立殊功
當時何故得如此只被聲明類日中

觀三王

邵雍

一片中原萬里餘，殆非孱德所宜居。
夏商正朔猶能布，湯武干戈未便驅。
澤火有名方受革，水天無應不成需。
請觀仁義爲心者，肯作人間淺丈夫。

觀五伯

邵雍

刻意尊名名愈虧，人人奔命不勝疲。
生靈劒戟林中活，公道貨財心裏歸。
雖則餽羊能愛禮，奈何鳴鳳未來儀。
東周五百餘年內，歎息惟聞一仲尼。

觀七國

邵雍

當其末路尚縱橫仁義之言固不聽肯謂破齊存即墨
能勝坑趙盡長平清晨見鬼未爲怪白日殺人奚足驚
加以蘇張掉三寸扼喉其勢不俱生

觀嬴秦

邵雍

轟轟七國正爭籌利害相磨未便休比至一雄心底定
其如四海血橫流三千賓客方成夢百二山河又變秋
謾說罷侯能置守趙高元不是封侯

觀兩漢

邵雍

秦破山河舊戰場
豈期民復見耕桑
九千來里開封域
四百餘年號帝王
剝喪旣而遭莽卓
經營殊不念高光
當時文物如斯盛
城復何由更有隍

觀三國

邵雍

桓桓鼎峙震雷音
絕唱高蹤沒處尋
簫鼓一方情未暢
弓刀萬里力難任
論兵很石寧無意
飲馬黃河徒有心
雖曰天時亦人事
誰知慮外失良金

觀西晉

邵雍

承平未必便無憂
安若忘危非善謀
題品人才憑雅誦
雌黃人事用風流
有刀難剖公間腹
無木可枲元海頭
禍在夕陽亭一句
上東門嘯浪悠悠

觀十六國

邵雍

溥天之下號寰區
大禹曾經治水餘
衣到敝時多蟣虱
瓜當爛後足蟲蛆
龍章本不資狂寇
象魏何嘗薦亂胡
尼父有言堪味處
當時欠一管夷吾

觀南北朝

邵雍

方其天下分南北聘使何當絕往還偏霸尚存前典憲
小康猶帶舊腥羶洛陽雅望稱崔浩江表奇才服謝安
二百四年能並轡漫將強敵互爲言

觀隋

邵雍

始謀當日已非臧又更相承或自戕螻蟻人民貪土地
泥沙金帛悅姬姜征遼意思縻荒服泛汴情懷厭未央
三十六年都掃地不然天下未歸唐

觀有唐

邵雍

天生神武奠中央，不爾羣兇未易攘。
貞觀若無風凜凜，開元安得氣揚揚。
凭高始見山河壯，入夏方知日月長。
三百年間能混一，事雖成往道彌光。

觀五代

邵雍

自從唐季墜皇綱，天下生靈被擾攘。
社稷安危懸卒伍，朝廷輕重繫藩方。
深冬寒木固不脫，未旦小星猶有光。
五十三年更五姓，始知除掃待真王。

觀盛化

邵雍

紛紛五代亂離間，一旦雲開復見天。
草木百年新雨露，車書萬里舊山川。
尋常巷陌猶簪紱，取次園林亦管絃。
人老太平春未老，鵬花無害日高眠。

吾曹養拙賴明時，爲宰居多寧不知。
天下英才中遁跡，人間好景處開眉。
生來只慣見豐稔，老去未嘗經亂離。
五事歷將前代舉，帝堯而下更無之。
一事革命之日，市不易肆，二事克服，
天下在即位後三事未嘗殺一無罪四事，
百年方四業五事百年無腹心之患也。

問鼎

邵雍

請將調鼎問於君
調鼎功夫敢與聞
只有鹽梅難盡善
豈無薑桂助爲辛
和羹必欲須求美
衆口如何更得均
切勿輕言天下事
伊周殊不是庸人

安樂窩

邵雍

安樂窩中三月期
老來纔會惜芳菲
自知一賞有分付
誰讓萬金無子遺
美酒飲教微醉後
好花看到半開時
這般意思難名狀
只恐人間都未知

自咏

邵雍

老去無成齒髮衰
年將七十待何爲
居常無病不服藥
閒或有懷時作詩
引水更憐魚並至
折花仍喜蝶相隨
平生積學都無效
只得胸中惡坦夷

首尾吟

邵雍

堯夫非是愛吟詩
爲見聖賢興有時
日月星辰堯則了
江河淮濟禹平之
皇王帝霸經褒貶
雪月風花未品題
豈謂古人無闕典
堯夫非是愛吟詩

堯夫非是愛吟詩詩是堯夫處困時事體極時觀道妙
人情盡處看天機孝慈親和未必見松柏歲寒然後知
匪石未聞心可轉堯夫非是愛吟詩

堯夫非是愛吟詩詩是堯夫自試時事體待諳然後信
人情非久莫能知同霑雨露蓬蒿質獨出雪霜松柏姿
見慣不如身歷過堯夫非是愛吟詩

堯夫非是愛吟詩詩是閒觀蔬圃時暖地春初纔蓊鬱
宿根秋末却披離韭蔥蒜薤青遮隴蘋芋薑蕞綠滿畦

時到皆能美精彩堯夫非是愛吟詩

堯夫非是愛吟詩詩是堯夫不強爲事到強爲須涉跡
人能知止是先機面前自有好田地天下豈無平路岐
省力事多人不作堯夫非是愛吟詩

堯夫非是愛吟詩詩是堯夫重惜時西晉浮誇時可歎
南梁崇尚事堪悲仲尼豈欲輕辭魯孟子何嘗便去齊
儀鳳不來人老去堯夫非是愛吟詩

堯夫非是愛吟詩詩是精神未耗時水竹清閒都占了

鶯花富貴又兼之梧桐月向懷中照楊柳風來面上吹
被有許多閒捧擁堯夫非是愛吟詩

蒼蒼吟寄李審言

邵雍

一般顏色正蒼蒼今古人曾望斷腸日往月來無少異
陽舒陰慘不相妨迅雷震後山川裂甘露零時草木香
幽暗巖崖生魑魅清平郊野見鸞皇千花爛爲三春雨
萬木凋因一夜霜此意分明難理會直須賢者入消詳

林下

邵雍

老年軀體索溫存安樂窩中別有春萬事去心閒偃仰
四支由我任舒伸庭花盛處涼鋪簟簷雪飛時軟布裯
誰道山翁拙於用也能康濟自家身

安樂四吟

邵雍

詩

安樂窩中詩一編自歌自詠自怡然陶鎔水石閒勲業
銓擇風花靜事權意去乍乘千里馬興來初上九重天
欣時更改三兩字醉後吟哦六七篇直恐心通雲外月

又疑身是洞中仙銀河洶湧翻晴浪玉樹查牙生紫煙
萬物有情皆可狀百骸無病不能蠲命題濫被神相助
得句繆爲人所傳肯讓貴家常奏樂寧慙富室賸收錢
若條此過知何限因甚臺官獨未言

書

安樂窩中一部書號云皇極意何如春秋禮樂能遺則
父子君臣可廢乎浩浩羲軒開闢後巍巍堯舜協和初
炎炎湯武干戈外洶洶桓文弓劍餘日月星辰高照耀

皇王帝霸大鋪舒幾千百主出規制數億萬年成楷模
治久便憂強跋扈患深仍念惡驅除才堪命世有時有
智可濟時無世無既往盡歸閒指點未來須俟別支梧
不知造化誰爲主生得幾多奇丈夫

香

安樂窩中一炷香凌晨焚意豈尋常禍如許免人須誦
福若待求天可量且異緇黃徼廟貌又殊兒女裛衣裳
中孚起信寧煩禱無妄生災未易禳虛室清明都是白

靈臺瑩靜別生光觀風禦寇心方醉對境顏淵坐正忘
赤水有珠涵造化泥丸無物隔青蒼生爲男子仍身健
時遇昌辰更歲穰日月照臨光自大君臣庇蔭効何長
非圖聞道至於此金玉誰家不滿堂

酒

安樂窩中酒一罇非惟養氣又頤真頻頻到口微成醉
拍拍滿懷都是春何異君臣初際會又同天地乍絪縕
醺酣情味難名狀醞釀工夫莫指陳斟有淺深同變理

飲無多少寄經綸鳳凰樓下逍遙客邨鄆城中自在人
高閣望時花似錦小車行處草如茵卷舒萬古興亡手
出入千重雲水身雨後靜觀山意思風前閒看月精神
這般事體權衡別振古英豪恐未聞

自和打乖吟

邵雍

安樂窩中好打乖自知元沒出人才老年多病不服藥
少日壯心都未灰庭草剗除終未盡檻花擡舉尚難開
輕風吹動半醺酒此樂真從天外來

題華下無相院西溪

張先

積水涵虛上下清
幾家門靜岸痕平
浮萍破處見山影
小艇歸時聞草聲
入郭僧尋塵裏去
過橋人似鑑中行
已憑暫雨添秋色
暮放修蘆礙目生

寄李朝請

范純仁

仕逾三黜信多艱
名節常憂不自完
幸賴聖明寬罪戾
敢辭閒僻盡盤桓
孟生墜甑何能顧
貢氏塵冠豈復彈
俸入雖貧家世事
金魚從此已稱丹

郊行卽事

程顥

芳原綠野恣行時，春入遙山碧四圍。
興逐亂紅穿柳巷，困臨流水坐苔磯。
莫辭盞酒十分醉，只恐風花一片飛。
況是清明好天氣，不妨游衍莫忘歸。

秋日偶成

程顥

閒來無事不從容，睡起東牕日已紅。
萬物靜觀皆自得，四時佳興與人同。
道通天地有形外，思入雲煙變態中。
富貴不淫貧賤樂，男兒到此是豪雄。

出潁口初見淮山

蘇軾

我行日夜向江海，楓葉蘆花秋興長。
平淮忽迷天遠近，青山久與船低昂。
壽州已見白石塔，短棹未轉黃茅岡。
波平風軟望不到，故人久立煙蒼茫。

新城道中

蘇軾

東風知我欲山行，吹斷簷間積雨聲。
嶺上晴雲披絮帽，樹頭初日掛銅鉦。
野桃含笑竹籬短，溪柳自搖沙水清。
西崦人家應最樂，煮芹燒筍餉春耕。

和王旂

蘇軾

異時長惟謫仙人古有風雷筆有神聞道騎鯨遊汗漫
憶曾捫蝨話悲辛氣吞餘子無全目詩到諸郎尚絕倫
白髮故交空掩卷淚河東注問蒼旻

次韻李修孺留別

蘇軾

十年流落敢言歸魚鳥江湖只自知豈意青天掃雲霧
盡呼黃髮寄安危風流吾子真前輩人物他年記一時
我欲折繻留此老緇衣誰作好賢詩

臥病逾月請郡不許復直玉堂十一月一日鑠院
是日苦寒詔賜官燭法酒書呈同院

蘇軾

微霰踈踈點玉堂詞頭夜下攬衣忙分光御燭星辰爛
拜賜宮壺雨露香醉眼有花書字大老人無睡漏聲長
何時却逐桑榆暖社酒寒燈樂未央

和劉景文見贈

蘇軾

元龍本志陋曹吳豪氣崢嶸老不除失路今爲噲等伍

作詩猶似建安初西來爲我風鱣面獨臥無人雪縞廬
留子非爲十日飲要令安世誦亡書

王文玉挽詞

蘇軾

才名誰似廣文寒月斧雲斤琢肺肝玄晏一生都臥病
子雲三世不遷官幽蘭空覺香風在宿草何曾淚葉乾
猶喜諸郎有曹志文章還復富波瀾

雪後書北臺壁二首

蘇軾

黃昏猶作雨纖纖夜靜無風勢轉嚴但覺衾裯如潑水

不知庭院已堆鹽五更曉色來書幌半月寒聲落畫簷
試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起粟
光搖銀海眩生花遺蝗入地應千尺宿麥連雲有幾家
老病自嗟詩力退空吟冰柱憶劉叉

往岐亭郡人潘古郭三人送余於女王城東禪莊

院

蘇軾

十日春寒不出門不知江柳已搖村稍聞泱泱流冰谷

盡放青青沒燒痕數畝荒園留我住半鉗濁酒待君溫
去年今日關山路細雨梅花正斷魂

姪安節遠來夜坐

蘇軾

南來不覺歲崢嶸坐撥寒灰聽雨聲遮眼大書元不讀
伴人燈火亦多情嗟予潦倒無歸日今汝蹉跎已半生
免使韓公悲世事白頭還對短燈檠

祭常山回小獵

蘇軾

青蓋前頭點皂旗黃茅岡下出長圍弄風驕馬跑空立

趣兔蒼鷹掠地飛回望白雲生翠巘歸來紅葉滿征衣
聖朝若用西涼簿白羽猶能效一揮

次韻楊父尚書侍祠郊丘瞻望天光退而相慶引

滿醉吟

蘇軾

千章杞梓蔭雲天樗散誰收老鄭虔喜氣到君浮白裏
豐年及我掛冠前令嚴鐘鼓三更月野宿貔貅萬竈煙
太息何人知帝力歸來金帛看駢肩

樂全先生生日以鐵拄杖爲壽

蘇軾

二年相伴影隨身踏遍江湖草木春
擿石舊痕猶作眼閉門高節欲生鱗
畏塗自衛真無敵捷徑爭先却累人
遠寄知公不嫌重筆端猶自幹千鈞

新釀桂酒

蘇軾

擣香篩辣入鉶盆盎盎春溪帶雨渾
收拾小山藏社甕招呼明月到芳樽
酒材已遣門生致菜把仍叨地主恩
爛煮葵羹斟桂醕風流可惜在蠻村

連雨江漲二首

蘇軾

越井岡頭雲出山，
牂牁江上水如天。
牀牀避漏幽人屋，
浦浦移家蜚子船。
龍卷魚鰕并雨落，
人隨鷄犬上牆眠。
祇因樓下平階水，
長記先生過嶺年。

急雨蕭蕭作晚涼，
臥聞榕葉響長廊。
微明燈火耿殘夢，
半濕簾帷浥舊香。
高浪隱牀吹甕瓦，
聞風驚樹擺琳琅。
先生不出晴無用，
留向空階滴夜長。

枕椰杖寄張文潛時初聞黃魯直遷黔南范淳父

九疑也

蘇軾

睡起風清酒在亡身隨殘夢兩茫茫江邊曳杖梳柳瘦
林下尋苗蕪撥香獨步儻逢岫嶠令遠來莫恨曲江張
遙知魯國真男子獨憶平生盛孝章

夜坐達曉寄子由

蘇軾

燈燼不挑垂暗藥爐香重撥上餘薰清風欲發鴉翻樹
缺月初升犬吠雲閉眼此心新活計隨身孤影舊知聞
雷州別乘應危坐跨海幽光與子分

六月二十日夜渡海

蘇軾

參橫斗轉欲三更苦雨終風也解晴雲散月明誰點綴
天容海色本澄清空餘魯叟乘桴意粗識軒轅奏樂聲
九死南荒吾不恨茲游奇絕冠平生

潤州甘露寺

沈括

丞相高齋半草萊舊時風月滿亭臺地從日月生時見
眼到江山盡處回三國是非春夢斷六朝城闕野花開
心隨潮水漫漫去流遍煙村半日來

感秋扇

蘇轍

團扇經秋似敗荷，丹青髣髴舊松蘿。一時用捨非吾事，舉世炎涼奈爾何。漢代誰令收汲黯，趙人猶復用廉頗。心知懷袖非安處，重見秋風愧恨多。

寄黃幾復

黃庭堅

我居北海君南海，寄鴈傳書謝不能。桃李春風一杯酒，江湖夜雨十年燈。持家但有四立壁，治病不蕪三折肱。想得讀書頭已白，隔溪猿哭瘴煙藤。

寄上叔父夷仲

黃庭堅

艱難聞道有歸音
部曲霜行壁月沉
王春正月調玉燭
使星萬里朝天心
頗令山海藏國用
乃見縣官恤民深
經心隴蜀封疆守
必有人材備訪尋

詠雪

黃庭堅

春寒晴碧來飛雪
忽憶江清水見沙
夜聽踈踈還密密
曉看整整復斜斜
風回共作婆娑舞
天乃能開頃刻花
政使盡情寒至骨
不妨桃李用年華

新喻道中寄元明

黃庭堅

中年畏病不舉酒孤負東來數百觴
喚客煎茶山店遠看人秧稻午風涼
但知家裏俱無恙不用書來細作行
一百八盤携上手至今猶夢遶羊腸

壺中九華

黃庭堅

湖口人李正臣蓄異石九峰東坡先生名曰壺中九
華并爲作詩後八年自海外歸過湖口石已爲好事
者所取乃和前篇以爲笑實建中靖國元年四月十
六日明年當崇寧之元五月二十日庭堅繫舟湖口

李正臣持此詩來石既不可復見東坡亦下世矣感
歎不足因次前韻

有人夜半持山去頓覺浮嵐暝翠空試問安排華屋處
何如零落亂雲中能迴趙璧人安在已入南柯夢不通
賴有霜鐘難席卷袖椎來聽響玲瓏

郊丘從駕

彭汝礪

今歲郊丘上始躬宿齋初出未央宮百年禮樂星辰爛
萬國衣冠錦綉中精意與天相應接人心如水自流通

聖時好作休成記今日誰爲太史公

喜聞中丞包公稱職有書

楊蟠

薛宣執法動朝廷丙魏如今亦有聲公道未亡猶可立
世人不慣却須驚幅員潤澤嘉謀進臺閣風流故事明
時論已兼言責重莫教天下笑虛名

陪潤州裴如晦學士遊金山回作 楊蟠

世上蓬萊第幾洲長雲漠漠鳥飛愁海山亂點當軒出
江水中分遶檻流天遠樓臺橫北固夜深燈火見揚州

廻船却望金陵月獨倚牙旗坐浪頭

示諸君

徐積

古俗今時不用分只將虛實判澆淳養心有要先除偽
入德無難只用真此道若從爲得路他岐如往是迷津
我曹好尚雖迂闊最愛山夫共野人

次韻寇秀才寄下邳家兄

陳師道

少共千憂老一官中間毀譽兩茫然去留有命真如此
俯仰從人却未然故看江山供極目正將强健入新年

驚逢小杜風流勝信有衣冠不乏賢

次韻春懷

陳師道

老形已具臂膝痛春事無多櫻筍來敗絮不溫生蟣蚋
大杯覆酒着塵埃衰年此日乃爲客舊國當時只廢臺
河嶺尚堪供極目少年爲句未須衰

東山謁外大父墓

陳師道

土山宛轉屈蒼龍下有槃槃一老翁萬木刺天元自直
叢篁侵道更須東百年富貴只此見一代功名託至公

少日拊頭期類我莫年垂淚向西風

寄泰州曾侍郎

陳師道

八年門第故違離千里河山費夢思
淮海風濤真有道麒麟圖畫豈無時
今朝有客傳河尹是處逢人說項斯
三徑未成心已具世間惟有白鷗知

夏日二首

張耒

長夏村居風日清簷牙燕雀已生成
蝶衣曬粉花枝午蛛網添絲屋角晴
落落疎簾邀月影嘈嘈虛枕納溪聲

久拚兩鬢如霜雪直欲漁樵過此生

棗徑瓜畦經雨涼白衫烏帽野人裝幽花避日房房歛
翠樹含風葉葉涼養拙久拚藏姓字致身安事巧文章
漢庭卿相皆豪傑不遇何妨白髮郎

元日

任伯雨

憶昔東班賀紫宸和風佳氣淨無塵龍墀初下觚棱日
雉扇齊開玉座春接武九霄曾近侍投荒三載作流人
窮通忤合雖天理俯仰尋思不爲身

聞趙正夫遷門下

鄒浩

促膝論心十二年有時忠憤淚潛然不聞一事拳拳救
但見三臺每每遷天地豈容將計免國家能報乃身全
它時會有相逢日解說何由復自賢

旅中諭懷

俞紫芝

白浪紅塵二十春就中奔走費光陰有時俗事不稱意
無限好山都上心一面琴爲方外友數篇詩當橐中金
會須將爾同歸去家在碧溪煙樹深

寄蘇內翰

劉季孫

倦壓鰲頭請左符，笑尋蘋尾爲西湖。
二三賢守去非遠，六一清風今不孤。
四海共知霜鬢滿，重陽曾插菊花無。
聚星堂上誰先到，欲傍金罍倒玉壺。

望舊廬有感

葉濤

重來舊屋誰爲主，江令蕭條歎獨存。
已愧問人纔知路，更悲無柳可知門。
舟車到處成家宅，歲月惟驚長子孫。
孤客濫巾非得已，故交零落與誰論。

江令尋宅詩云見
桐猶識井看柳尚

知門

題半隱堂

劉跂

一堂圖籍自陶冶三徑蕭蘭俱歲華
定非平恩許侯宅會是仲長公理家
端居雅不煩屏當佳設頗嘗成咄嗟
唯我身閒數來往微絃一泛卽生涯

晚登秋屏閣示杜氏兄弟

洪朋

病人湯熨暫時停謾向秋屏臺上行
白日忽隨飛鳥去青山斷處落霞明
林間嘒嘒寒蟬急江上悠悠煙艇橫

富貴功名付公等嗟予老矣負平生

答王立之惠書

潘大臨

歸自江南卽定居謾勞親友問何如剛腸肯爲藜羹轉
病骨聊憑竹杖扶南園上腴千樹橘東湖春水百金魚
明年生計應堪說待倩君侯買異書

望西山懷駒父

李彭

去歲湖湘賦凜秋聞君江國大刀頭百年會面知幾遇
十事欲言還九休照眼遙岑落懷袖過眉拄杖立汀洲

莫言青山淡吾慮誰料却能生許愁

簡田升之時升之赴金陵

吳則禮


建業風流端可憐石城江色曉鮮鮮
鳥窺漢節梅花底雨濕拖樓春水邊
霜髮鬢書有東觀錦囊覓句屬南天
枯腸不飽太官肉我種芋魁今十年

病後登快哉亭

賀鑄

經雨清蟬得意鳴紅塵開處見歸程
病來把酒不知厭夢後倚樓無限情
鷗帶殘枝投古剎草將野色入荒城

故園又負黃華約但覺秋風鬢上生



宋文鑑卷二十五

欽定四庫全書

集部

宋文鑑卷二十六至

詳校官監察御史_臣劉湄

助教_臣常循覆勘

總校官降調編修_臣倉聖脉

校對官中書_臣牛稔文

謄錄監生_臣劉翰周

欽定四庫全書

宋文鑑卷二十六

宋 呂祖謙 編

五言絕句

松江夜泊

鮑當

舟閒人已息林際月微明一片清江水中涵萬古情

孤鴈

鮑當

寒多稻糧少萬里孤難進不惜充君庖爲帶邊庭信

江上漁者

范仲淹

江上往來人但愛鱸魚美君看一葉舟出沒風波裏

淮上遇風

范仲淹

一棹危於葉傍觀亦損神他時在平地無忽險中人

出守桐廬道中十首

范仲淹

隴上帶經人金門齒諫臣雷霆日有犯始可報君親

其二

君恩泰山重爾命鴻毛輕一意懼千古敢懷妻子榮

其三

妻子屢牽衣出門投禍機寧知白日照猶得虎符歸

其四

分符江外去人笑似騷人不道鱸魚美還堪養病身

其五

有病甘長廢無機苦直言江山藏拙好何敢望天閭

其六

天閭變化地所好必真龍軻意正迂闊悠然輕萬鍾

其七

萬鍾誰不慕意氣滿堂金必若枉此道傷哉非素心

其八

素心愛雲水此日東南行笑解塵纓處滄浪無限情

其九

滄浪清可愛白鳥鑑中飛不信有中落風塵化客衣

其十

風塵日已遠郡枕子陵溪始見神龜樂優優尾在泥

無絃琴

王琪

寂寞之淳音其爲樂至深應嫌鼓腹者獨是撫絃琴

遠山

歐陽修

山色無遠近看山終日行峰巒隨處改行客不知名

夏夜小亭有懷

梅堯臣

西南雨氣濃林上昏月色寒影不隨人寥寥空露白

寒草

梅堯臣

寒草纔變枯陳根已含綠始知天地仁誰道風霜酷

芳草

王安石

芳草知誰種緣堦已數叢無心與時競何苦綠蔥蔥

送望之赴臨江

王安石

黃雀有頭顱長行萬里餘想因居出守暫得免芑苴

溝港

王安石

溝港重重柳山坡處處梅小興穿麥過狹徑礙桑回

梅花

王安石

牆角數枝梅凌寒獨自開遙知不是雪爲有暗香來

歲寒

邵雍

松柏入冬殘方能見歲寒聲須風裏聽色更雪中看

廬山三首

蘇軾

青山若無素偃蹇不相親要識廬山面他年是故人

其二

自昔懷清賞神游杳靄間如今不是夢真箇是廬山

其三

芒鞋青竹杖自掛百錢游頗怪深山裏人人識故侯

蝸牛

蘇軾

腥涎不滿殼聊足以自濡升高不知回竟作黏壁枯

讀史

蘇轍

江河浪如屋要須滄海容可憐狄仁傑猶復負婁公

遺老齋三首

蘇轍

久無叩門聲啄啄問何故田中有人至昨夜盈尺雨

其二

避事已謝客養性不看書書中多感遇掩卷輒長吁

其三

人言里中舊獨有陳太丘丈若命世人惜哉憂人憂

陪謝師厚遊百花洲槃礴范文正公祠下道羊曇

哭謝安事因讀生存華屋處零落歸山丘爲韻

黃庭堅

憶在昭陵日傾心用老成功歸仁祖廟政得一書生

其二

羊生但着鞭勿哭西州門故有不亡者南山相與存

其三

慶州自不惡藉其載聲華忠義無可憾公今有世家

其四

公歸未百年鶴巢荒古屋我吟殄瘁詩悲風韻高木

其五

傷心祠下宇在時公燕處臨水不相猜江鷗會人語

其六

公有一杯酒與人同醉醒遺民能記憶欲語涕飄零

其七

委徑問謠俗高丘省佃作昔遊非苟然
今花幾開落

其八

在昔實方枘成公見圓機九原尚友心
白首要同歸

其九

人去洲渚在春回花草斑清談直淵對
發興如江山

其十

落日銜城壁祠東更一遊悲來惜酒少
安得董糟丘

謫居黔南五首

黃庭堅

相望六千里天地隔江山十書九不到何用一開顏

其二

霜降水反壑風落木歸山冉冉歲華晚昆蟲皆閉關

其三

冷淡病心情暄和好時節故園音信斷遠郡親賓絕

其四

山郭燈火稀峽天星漢少年光東流水生計南枝鳥

其五

冥性齊遠近委順隨南北歸去誠可憐天涯住亦得

蠶婦

張俞

昨日到城郭歸來淚滿巾遍身羅綺者不是養蠶人

秦王纜船石

楊蟠

色陰長帶雨疑是白雲根欲問東巡事今猶不敢言

紈扇

張舜民

紈扇本招風曾將熱時用秋來掛壁上却被風吹動

鴈

陳師道

來往違寒暑飛鳴在稻梁
未知溟海大不肯過衡陽

春日

崔鷗

落日不可盡丹林紫谷開
明明遠色裏歷歷暝鴉回

題績溪雪峰樓

崔鷗

題詩最高處不爲付人看
記着今朝勝山明松雪寒

歲暮書堂

汪革

霜重堦鋪紈風凜肌生粟
心莊耳目清思慮無由俗

長安在何許二首

賀鑄

長安在何許疑在青天上
矯首遡西風浮雲斷人望

又

長安在何許疑在白日下
徘徊天一隅華月生新夜

六言

題舒州山谷寺石牛洞

王安石

水冷冷而北出山靡靡而旁圍
欲窮源而不得竟悵望以空歸

題西太一宮

王安石

柳葉鳴蜩綠暗荷花落日紅
酣三十六陂煙水白頭想
見江南

四賢吟

邵雍

彥國之言鋪陳晦叔之言簡當
君實之言優游伯淳之
言條暢四賢洛陽之望是以
在人之上有宋熙寧之間
大爲一時之壯

獨坐

丈同

不報門前賓客已收案上文書獨坐水邊林下宛如故里閒居

相如

文同

相如何必稱病靖節奚須去官就下其誰不許如愚是處皆安

鷺鷥

避雨竹間點點迎風柳下翻翻靜依寒蔭如畫獨立晴沙可憐

題鄭防畫夾三首

黃庭堅

子母猿啼榭葉山
南山北危機世故誰能擣
里穀中皆是由基

惠崇煙雨歸鴈坐我瀟湘洞庭
欲喚扁舟歸去故人言是丹青

折葦枯荷共晚紅
榴苦竹同時睡鴨不知飄雪寒
雀四顧風枝

蟻蝶圖

黃庭堅

胡蝶雙飛得意偶
然畢命網羅羣
蟻爭收墜翼策
勲歸去南柯

有惠江南帳中香者戲作

黃庭堅

螺甲割崑崙耳
香材屑鷓鴣班
欲雨鳴鳩日永
下帷睡鴨春閒

子瞻寄和復答

黃庭堅

迎燕溫風旖旎
潤花小雨班班
一炷煙香得意
九衢塵裏偷閒

欽定四庫全書

宋文鑑
卷二十六

十

和高子勉

黃庭堅

句法俊逸清新詞源廣大精神建安數六子開元纔
兩三人

登山望海

張耒

鳥去蒼煙古木人歸綠野孤舟信美雖非吾土消憂且
復登樓

寧浦書事

秦觀

揮汗讀書不已人皆怪我何求我豈更求聞達日長聊

以銷憂

欽定四庫全書

宋文鑑
卷二十六

上

宋文鑑卷二十六

欽定四庫全書

宋文鑑卷二十七

宋 呂祖謙 編

詩 七言絕句

新蟬

冠 準

寂寂官槐雨乍晴
高枝微帶夕陽明
臨風忽起悲秋思
獨聽新蟬第一聲

書河上亭壁

冠 準

暮天寥落凍雲垂一望危亭欲下遲臨水數村誰畫得
淺山寒雪未銷時

離京日作

寇準

致君才業本無能戀闕情懷老不勝行過龍津重回首
矍矍初日上觚稜

寄傳逸人

張詠

當年失脚下漁磯苦戀明朝未得歸寄語巢由莫相笑
此心不是愛輕肥

赴闕日過申州經石子鎮驛

鄭文寶

得罪先朝出粉闥五原功業有誰知
年深放逐無人識
白雪關頭一望時

菊

韓丕

造化功夫豈異端自緣開晚少人看
若教總似陶潛眼
肯向芳春賞牡丹

題河陽後城平嵩閣

李迪

南指嵩高北太行大河中出貫靈長
君王不恃金湯險

自有仁恩結萬方

水亭秋日偶書

林逋

巾子峰頭烏臼樹微霜未落已先紅
凭欄高看復下看
半在石池波影中

自作壽堂因作一絕誌之

林逋

湖外青山對結廬
墳前修竹亦蕭疎
茂陵它日求遺藁
猶喜曾無封禪書

上王相公

魏野

聖朝宰相年年出君在中書十四秋西祀東封俱已畢
好來相伴赤松遊

天華寺

呂夷簡

賀家湖上天華寺一一軒牕向水開不用閉門防俗客
愛閒能有幾人來

漁者

郭震

江柳弄風顰翠黛山花著雨濕燕脂却收短棹拈長笛
一葉舟中仰面吹

老卒

郭震

老來弓劍喜離身說着沙場更愴神
任使將軍全得勝歸時須少去時人

雲

郭震

聚散虛空去復還野人閒處倚筇看
不知身是無根物蔽月遮星作萬端

觀藏珠

夏竦

敏手機心頗自安遮藏有路巧千般
主公當面無因見

只怕旁人冷眼看

睢陽

夏竦

海鴈橋邊春水深
畧無塵土到花陰
亡情不管人知否
自有沙鷗信此心

松江

陳堯佐

平沙渺渺煙蒼蒼
菰蒲纔熟楊柳黃
扁舟繫岸不忍去
秋風斜日鱸魚鄉

華清宮

陳堯佐

百首新詩百意精不尤
妃子不尤兵爭為一向傷前事
都為明皇恃太平

酬阮逸詩卷

鮑當

木有毫端水有源漸成盤錯始潺湲
右丞畫筆多平淺
平淺應知近自然

行色

司馬池

冷於陂水淡於秋遠陌初窮見渡頭
賴得丹青無畫處
畫成應遣一生愁

雪中

晏殊

平臺千里渴商霖
內史憂民望最深
衣上六花非所好
畝間盈尺是吾心

讀史

謝濤

百年奇特幾張紙
千古英雄一窖塵
惟有炳然周孔教
至今仁義浸生民

秋夕北樓

石延年

秋霽露華清帶水
月明天色白連河
夜闌澄景生微動

瑟瑟層颿上下波

題龍興寺老栢院

張在

南鄰北舍牡丹開
年少尋芳去又迴
惟有君家老栢樹
春風恰似不曾來

答永叔問客

王琪

班班疎雨寒無定
皎皎圓蟾望欲闌
應在浮雲儘深處
更憑絲竹一催看

端午帖子詞二首

歐陽修

楚國因讒逐屈原終身無復入君門願因角黍詢遺俗
可鑒前王惑巧言

嘉辰共喜沐蘭湯毒沴何須採艾禳但得臯夔調鼎膺
自然災祲變休祥

溫成皇后閣春帖子詞

歐陽修

內助從來上所嘉新春不忍見新花君王念舊憐遺族
長使無權保厥家

樵者

歐陽修

雲際依依認舊林
斷崖荒磴路難尋
西山望見朝來雨
南澗歸時渡處深

謝判官幽谷種花

歐陽修

淺深紅白宜相間
先後仍須次第栽
我欲四時攜酒去
莫教一日不花開

對雪憶往歲錢塘西湖訪林逋三首

梅堯臣

昔乘野艇向湖上
泊岸去尋高士初
折竹壓籬曾礙過
却穿松下到茅廬

旋燒枯栗衣猶濕去愛峯前有徑開日暮更寒歸欲懶
無端撩亂入船來

樵童野犬迎人後山葛棠梨案酒時不畏尖風吹入牖
更教牀畔覓鴟夷

淮中晚泊犢頭

蘇舜欽

春陰垂野草青青時有幽花一樹明晚泊孤舟古祠下
滿川風雨看潮生

暑中間詠

蘇舜欽

嘉果浮沉酒半醺
牀頭書冊亂紛紛
北軒涼吹開疎竹
臥看青天行白雲

夏意

蘇舜欽

別院深深夏簾清
石榴開遍透簾明
樹陰滿地日卓午
夢覺流鶯時一聲

蠲燭

孫復

六龍西走入崦嵫
寂寂華堂漏轉時
一寸丹心如見用
便為灰燼亦無辭

書汜水關寺壁

王安石

汜水鴻溝楚漢間
跳兵走馬百重山
如何咫尺商於地
便有園公綺季閒

漢武

王安石

壯士悲歌出塞頻
中原蕭瑟半無人
君王不負長陵約
直欲功成賞漢臣

張良

王安石

漢業存亡俯仰中
留侯於此每從容
固陵始議韓彭地

複道方圖雍齒封

曹參

王安石

束髮河山百戰攻白頭富貴亦成功華堂不著新歌舞
却要區區一老翁

諸葛武侯

王安石

慟哭楊顓為一言餘風今日更誰傳區區庸蜀丈夫吳魏
不是虛心豈得賢

讀唐書

王安石

志士無時亦少成
中才隨世就功名
并汾諸子何為者
坐與文皇立太平

懷張唐公

王安石

直諒多為世所排
有懷長向我前開
暮年惆悵誰知此
南陌東阡獨往來

南浦

王安石

南浦東岡二月時
物華撩我有新詩
含風鴨綠粼粼起
弄日鶯黃裊裊垂

初夏即事

王安石

石梁茅屋有彎碕流水濺濺度兩陂
晴日暖風生麥氣綠陰芳草勝花時

光宅寺

梁武帝宅也其北齊安隔淮齊武帝宅宋典人在其北

王安石

齊安孤起宋興前光宅相仍一水邊
蜂蟻紛爭今不見故窠遺堦尚依然

悟真院

王安石

野水縱橫漱屋除
午牕殘夢鳥相呼
春風日日吹香草
山北山南路欲無

示公佐

王安石

殘生傷性老耽書
年少東來復起予
各據槁梧同不寐
偶然聞雨落堦除

邵平

王安石

天下紛紛未一家
販繒屠狗尚雄誇
東陵豈是無能者
獨傍東門手種瓜

讀漢書

王安石

京房劉向各稱忠
詔獄當時跡自窮
畢竟論心異
恭顯不妨迷國畧相同

臺城寺側獨行

王安石

春山撩亂水縱橫
籬落荒畦草自生
獨往獨來山下路
荀輿看得綠陰成

雜詠

王安石

烏石崗頭躑躅紅
東江柳色漲春風
物華人意曾相值

永日留連草莽中

揚子

王安石

儒者陵夷此道窮千秋止有一揚雄當時薦口終虛語
賦擬相如却未工

范增

王安石

鄴人七十漫多奇為漢毆民了不知誰合軍中稱亞父
直須推讓外黃兒

杏花

王安石

垂楊一逕紫苔封人語蕭蕭院落中獨有杏花如喚客
倚牆斜日數枝紅

韓子

王安石

紛紛易盡百年身舉世何人識道真力去陳言誇末俗
可憐無補費精神

省中

王安石

萬事悠悠心自知強顏於世轉參差移床獨臥秋風裏
靜看蜘蛛結網絲

溝西

王安石

溝西直下看芙蓉葉底三三兩兩魚若比濠梁應更樂
近人渾不畏春鉏

歸庵

王安石

稻畦藏水綠秧齊松鬣初乾尚有泥縱蹇尋岡歸獨臥
東庵殘夢午時雞

封舒國公

王安石

桐鄉山遠復川長紫翠連城碧滿隍今日桐鄉誰愛我

當時我自愛桐鄉

北山

王安石

北山輸綠漲橫陂
直塹回塘灩灩時
細數落花因坐久
緩尋芳草得歸遲

壬戌正月晦復至齊安

王安石

風暖柴荆處處開
雪乾沙靜水洄洄
意行却得前年路
看盡梅花看竹來

書何氏宅壁

王安石

有興提魚就公煮此言雖在已三年皖瀟終負幽人約
空對湖山坐惘然

金陵即事三首

王安石

水際柴門一半開小橋分路入青苔
背人照影無窮柳
隔屋吹香併是梅

結綺臨春歌舞地荒溪夾巷兩三家
東風漫漫吹桃李
非復當時林外花

昏黑投林曉更驚
背人相喚百般鳴
柴門長閉春風暖

事外還能見鳥情

定林

王安石

定林青木老參天橫貫東南一道泉
六月杖藜尋石路
午陰多處弄潺湲

孟子

王安石

沉魄浮魂不可招遺編一讀想風標
何妨舉世嫌迂濶
故有斯人慰寂寥

孔光

李泰伯

王莽欲為先與草董賢將過自迎門省中樹木何間事
却對妻孥不肯言

酴醾

韓維

平生為愛此香濃仰面常迎落架風每至春歸有遺恨
典刑猶在酒盃中

潁國龐公挽詞

李師中

獨立無朋但任真不持聲勢掩君親若將坤體論臣道
公是朝廷第一人

負暄閒眠

仲訥

茅簷晴日暖於春一枕釣天樂事新
滿眼繁花皆得意
午眠安穩却無人

夜深吟

王令

叩几悲歌涕滿襟聖賢千古我如今
凍琴絃斷燈青暈
誰會男兒半夜心

登樓三首

狄遵度

道之不行乘桴浮赴河蹈海成今遊
春歸應到嶺北樹

日出先照天南樓

羣山南走失所往百川東逝茲其窮天低水國疑將壓
人過月塘愁欲空

莎青石細淺見底天空雲淡無一毫波間圓月照不動
海上清風來最高

讀司馬君實撰呂獻可墓誌

鄭獬

一讀斯文淚寫襟摩天直氣萬千尋知君不獨悲忠義
又有兼憂天下心

途次葉縣觀千葉桃花

陶弼

三月官桃滿上林一花千葉費春心
葉公城外襄河北一樹無人色更深

登潮月亭

陶弼

渡頭人語知潮上下看南江東北流
試引輕帆學歸去茶山溪淺却回舟

對花有感

陶弼

得莫欣欣失莫悲古今人事若花枝
桃紅李白薔薇紫

問著春風自不知

宋文鑑卷二十七